



## **KENYATAAN MEDIA PEJABAT PERDANA MENTERI**

### **BANTUAN KHAS HARI RAYA AIDILFITRI 2020 BAGI PENGUSAHA FELDA, RISDA DAN FELCRA BERIKUTAN PENULARAN WABAK COVID-19**

Kerajaan mengambil maklum kedudukan harga pasaran global komoditi seperti kelapa sawit dan getah, yang kian merosot disebabkan penularan wabak COVID-19.

Situasi ini secara langsung telah menjejaskan pendapatan hampir 500 ribu peneroka, peserta dan pekebun kecil yang bernaung di bawah FELDA, RISDA dan FELCRA di seluruh negara.

Sehubungan itu, sukacita diumumkan bahawa kerajaan telah bersetuju untuk memberi Bantuan Khas Hari Raya Aidilfitri 2020, bernilai RM300 seorang kepada peneroka FELDA, peserta FELCRA dalam kategori B40 dan pekebun kecil RISDA.

Bantuan khas melibatkan anggaran peruntukan sebanyak RM148 juta ini akan memberi manfaat kepada 113 ribu peneroka FELDA, 90 ribu pengusaha FELCRA dalam kategori B40 dan 292 ribu pekebun kecil RISDA, iaitu pekebun yang mengusahakan tanah dengan keluasan tidak melebihi 2.5 hektar.

Penyaluran Bantuan Khas Hari Raya Aidilfitri 2020 akan bermula pada 18 Mei ini. Kerajaan berharap bantuan khas ini akan dapat meringankan beban warga agensi terbabit, terutamanya dalam persiapan menyambut Hari Raya Aidilfitri yang menjelang tiba.

Pejabat Perdana Menteri

15 Mei 2020